


आबो आडेपासे रेयाक् जिवोन

इकाई बाबोतते

आबो आडेपासेरे आयमा लेकान दारे आर जानवरकोबोन छेलेत् कोआ। आबो दो, आबो-आबोबोन गो.डो, जो.डकाना आर आबो आडेपासेरे मेनाक् दारे आर जानवरको आयमा लेकान गुन आर ओनकोवाक् बेवहार छेल रेयाक् ओ.पसो.रबोन छामेदा।

जाहाँ तिना.क् आबो ओनकोबोन छेल कोआ, उना.क् गो आबो दो, ओनकोवाक् मो.ने ओ.क् ओ.राक् जिवोन खो.नबोन चेत् दाङ.याक् आ। नोआ बाक् डाय सानागे आबो लाहाक् आर रा.सका.वानाक् जिनिस तो.लास ला.गित् ए उदगा.उ ओचोयेत् बोना। दारेको आर जानवरको बानाराक् भा.ला.ई पाछनाव आर ओनकोवाक् सो.नमान काते ठीक आर मित् बाराबारी दो.हो.य आर बा.ड.ती दायवान सोमाज बेनाव ला.गित् बा.ड.हावा एमा.क् ला.गती गया।



माचेतको लागि बाडायजोडाक्

नोआ इकाई दो आबो आडेपासे रेयाक् जिबोन बाबोत मेनाक्आ।
नोआ अध्यायरे सेलेत्आकान मोहोतानाक् मोत लातार रेयाक्
लिस्टीरे एमाकाना।

अध्याय 4: दारेको बाबोत बाक्डाय दो आबो आडेपासे
दारेककान आयमालेकान दारेको खोन ए पाछनाव ओचोयेत्बोना।
तोदारोत होतेते होड दो आकोवाक् होडमो रेयाक् गुन, मोहोत
आर आयमा रोकम खोनबोन पाछनावोक् काना। ओनको दो
साकाम, बाहा, जो आर दारे रेयाक् एटाक् हाटिजको बेवहार काते
आकोवाक् बेकनावाक्को सोदोर ताकोआ। इना छाडा, ओनको दो
दारेको जिवेत् ताहेन लागिन् लागतीककान जिनिसको तोलासेदा
आर ओनाको हारा-बुरूक् लागिन् उसराउ ताडाम लाहाय होयोक्
ताकोआ, आर नोआको निटेत् काना जे ओनको जारुडानाक्
जोतोन आर जोम-जुंको जाम।

अध्याय 5: दारे आर जानवर मित् साँवको ताहेना,
नोआ पुथी दो दारे आर जानवारको ताला रेयाक् जोनोडाव ए
उदुक्एत् काना, आर तोदारोत होतेते अकिन तालारे गोपोडो
एमोक् रेयाक् उनकिनाक् जोनोम खोन जामाकान खेमोताकोय
तोलासेत् काना। होड दो आको आडेपासे रे मेनाक्को आयमा
लेकान जानवारकोको सेंदरायेत् कोआ, ओनकोवाक् हेवा आर
ताहेन ओडाक् रेयाक्को खोजेत् काना। जोथातेतरे जोर एमावाक्
तुलुच्, ओनको दो हासा, जानवार आर दारेको हारा-बुरूक् लागिन्
मोहोतको एमावाक्आ, आर पारिस्थितिकी तोंत्र भितरी रे अस्तित्व
ठीक आर मित् बाराबारी दोहोय लागिन् बाडहावाको एमावाक्आ।

अध्याय 6: भागे मोनते आबोबोन जिवेदोक् खान आबो
दो नोआबोन बुजहाउ जामा जे आबो दो दारेको आर जानवारको
साँवबोन जोनोडाव गया। ओनाको मुदरे मित्-बार दारेको आर
जानवारको दो आबो आडेपासे आर एटाक्को आबो खोन
साँगिज रेको ताहेना। सानाम जिवेत् जानवारको लागिन् दाया,
ओनको हारा-बुरू ओचोको आर जोम-जु आर जोतोन आडी
लागती गया। सिरजोन साँव जोनोडाव काते ठीक आर
मित् बाराबारी ताहेन लागिन् बाडहावा एमकाते,
आबो दो सानामको गे कुसी आर मौज
कामी लागिन् नापाय डाहारबोन जाम
दाडेयाक्आ।



- जानवार लागिन् मोबाइल, छोट
खोन लाटकावाक् मुखौटा सोदोरमे,
जानवार आर गमलारे रोहोयाकात्
दारे रेयाक् हुडिज चितार
बेवहारकाते जानवार आर हारयाड
टोठा बेनावमे।
- जानवार, चेंडें, तेजो, बाहा आर
दारे रेयाक् फ्लैश कार्ड बेनावमे।
- नोआको मोत खोन जोनोडाव
पोरमान आर उमेर लेकाते गानोक्
हुडिज वीडियो आर फिलीम,
काहनी पुथी आर ओनोडहेँ आमठेन
दोहोयमे।
- दाँडौन आर दाँडौनको होडः
जाहौन सिरजोन पार्क, खेत,
जानवार दोहो जायगा बाडखान
दारे रेयाक् नर्सरी चालाक् लागिन्
योजना बेनावमे, आर बाडखान
ओण्डेनको हामी होड साँव
गालमारावमे, जाहौय गिदरा साँवको
गालमाराव दाडेयाक्।





0335CH04

दारेको साँव ओपोरोम




आयमा लेकानाक् दारेको

गोपू, सिम्मी आर राज दो दिनाम हिलोक् ताड़ामते इस्कूलको चालाक्आ।
डाहाररे ओनको दो आड़ी मौज-मौज बाहा, बुरू आर गाडाकोको जेल इदीया।

मित् दिन गोपू दोय मेनकेदा, “चेका नोआ सिरजोन दो आड़ी हाहाड़ा
गेया? नोण्डे आयमा गोटेन दारेको, चेंडें-चिपरूत् जिउ-जियाली आर तेजोको
मेनाक् कोआ इजदो हाहाड़ाज आइकावेदा जे ओनको सानाम होड़ ठेन
चेका लाइ लागित् काहनीको मेनाक्आ।”

सिम्मी दो राजीक् तुलुच् ए मेनकेदा, “हैं, दारे दो आयमा आकार आर
आयमा लेकानाक् ताहेना: जाहाँटाक् दो आड़ी हुडिज, हुडिज, माराड, पोर
लेकानाक्”

राज होय मेनकेदा, “पातला आर कोचे, सोजहे आर जेलेज!”



गोपू दोय मेनकेदा, “जाहाँटाक् साकाम दो रागात्-रोगोत् आर जाहाँटाक् दो चिकाँड गे ताहेंना। इज दो ओना जोटेट् आर सों अडीज कुसीयाक्आ।”

सिम्मीय रोटकेदा, “जेलमे, नोआ सो दारे रेयाक् साकाम अडी मोटा आर झालकावोक् काना! चेका नोआ दो आमाक् बिसेस दारे बाड काना, राज?”

राज दोय रजीयेना, “हें, कानगेया! चेका आमदो ओना रेयाक् हुडिज-हुडिज पोंड बाहाम दिसायेदा? आरहोंम दिसायेदा ओना रेयाक् हुडिज हरयाड जो, जाहाँ दो थोड़ा दिन तायोम खानगे आराक् आर इनाकाते बैगनी रोटरे बोदोलेना? आबो दो दारेरे बेलेयाकान बैगनी रोटरेयाक् जो गोद लागित् तिनाक् कुसीबोन अइकाउ केदा!”

सिम्मी दो लान्दावातेय मेनकेदा, “नोआको दारे बुटा रेयाक् रेयाड होयरे ताहेंन दो अडी हुलासानाक् बुजहावोक्आ।

दारे रेयाक् अडी माराड गुदी आर आयमागान डारको साकाम साँव सानाम सेन फायलाव कोक्आ। दारे रेयाक् रेहेत् दो हासारे अडी भितरी हबिच् चालावोक्आ।

दारेको



उल दारे




नारयाड दारे




खेजड़ी दारे



काण्ठाड दारे



बाड़े दारे



कासया दारे



हेसाक् दारे



चिनार दारे



ओलमे

ओना दारेको रेयाक् जुतुम ओलमे जाहाँटाक् दो आमेम पाछनाव दाडेयाक्अ.
१। दिसा रेयाक् कुरुमुटूयमे आमदो ओनाको दारे ओकारेम जेल लेदा। ओना.
को दारे मुदरे ओकाटाक् दारे आमदो आपनार ओडाक् आडेपासे से इस्कूल
चालाक् जोखेनेम जेल आकात्आ?

पोरको

“सानाम दारेको दो उसुल दारे लेका दो बाङ हा.
राक्आ। नोआ झाङ दारे जेलमे ओनारे दो आराक्गे
बाहावाकाना। नोआ रेदो उसुल दारे लेका माराङ गुदी
दो बाङ ताहेंना,” गोपूय मेनकेदा। मेनखान ओनारे
आयमा भूरा रोङ रेयाक् दारे डार मेनाक्आ,” राज
दो आयाक् रोङ ए सेलेत् केदा।



“नोआ झाङलेका जेलोक् दारेको दो पोरको मेतावाक्आ। आबोवाक् ओडाक्
ताहेंन तुलसी दारे हों मित् लेकानाक् पोर कानगेया,” सिम्मी दो नोआ बाबोत ए
लाइकेदा।

पोर दो ताला-माला आकार रेयाक् दारेको काना जाहाँ रेदो
आयमागान गुदी आर डारको ताहेंना, ओना दो ओत सोर रेगे दारे



जोबा बाहा



गुलाब बाहा



सोनोत तुलसी साकाम (तुलसी)



करी साकाम



चेका आमेम बाडाय?

आबो जाहाँ दलको बोन जोमा- राहेड़ (पावरा मोटोर), मासरी (आराक् दल), मूँग (हारयाड़ बुट) आर राम्बड़ा (हेन्दे बुट) नोआको सानाम पोर रेयाक् जाडकाना।



राहेड़



मासरी



मूँग



राम्बड़ा



ओलमे

- मित्-बार पोर रेयाक् जुतुम ओलमे। चेका चेतानरे उदुक्आकात् चितारको मुदरे जाहाँन पोरकोम जेलआकात्आ?
- आमाक् पारसीते चेतको मेताक्आ चेका आमदोम बाडाय?

रान-मुरगान आर घाँस

“आले ओड़ाकरे पुदीना आर कुड़चा पोहा मेनाक्आ। ओना रेयाक् गुदी दो आड़ी लेबड़ेच् आर हारयाड़ गया,” राज दोय मेनकेदा।

“इज बुडीगोय लाइयाकावादिजा जे जाहाँटाक् दारे रेयाक् गुदी लेबड़ेच् आर ओनारे काट बाड ताहेँना ओना दो रान-मुरगानको मेतावाक्आ,” गोपू दो आयाक् काथाय सेलेत् केदा।

सिम्ली दो घाँस सेच् इसारा कातेय मेनकेदा,
“नोआको आयमा लेकान घाँस जेलमे। ओना रेहों लेबड़ेच्, हारयाड़ गुदी मेनाक्आ। ओना रेयाक् साकाम दो जेलेज, नान्हा आर चापड़ा गे ताहेँना।”



“आमदोम सुही गया सिम्मी! आमदोम हुडिसेदा घाँस हों मित् लेकानाक् रान-मुरगांन काना?” गोपू दो कुकलीय दोहो केदा।


रान-मुरगांन दो लेबड़च् गुदी साँव हुडिज दारे काना ओनाते दो काट बाड बेनावोक् आ।
घाँस हों मित् लेकान रान-मुरगांन काना।

घाँस रेयाक् साकाम दो नान्हा, चापड़ा आर ओना रेयाक् गुदी दो खोल गे ताहेंना।
आमाक् आडेपासे रे मेनाक् आयमा लेकान घाँसको जेलमे।
तिनाक् लेकानाकरे आमदो धेयानेम एमाकावादा?

रान-मुरगांनको



पुदीना



कुड़चा




धानिया



तुड़ी

घाँसको



बिर घाँसको





चेका आमेम बाडाया?

जाहाँको ओन आमेम ज़ोमेदा- होड़ो (चावले), गुहुम, बाजड़ा, गोंदले, कोदे, एमानतेयाक्, नोआको दो लाटु घाँस रेयाक् जाडको काना!



होड़ो



गुहुम



बाजड़ा



कोदे



गोंदले

ईख आर मात् दो उसुल घाँसको काना।
मात् दो मित् बिसेस लेकानाक् घाँस
काना, ओना दो मित् बोछोर खोन
बाड़ती ओकते हाबिच् जिवेत् ताहेंना।



ईख



मात्




ओलमे

मित्-बार गोटेन रान-मुरगान रेयाक् जुतुम ओलमे जाहाँको दो आमेम जेलाकादा आर ओना ओकारेम जेलाकादा।

देजोक्आक् आर नाँड़ीक्आक् दारेको

“जेलमे! नोआ उसुल दारेरे नाँड़ी आकावाकाना!” राज दोय लाइकेदा।

गोपू दोय रज़ीयेना, “वाव हैं! इजरेन गाते जॉर्ज ताको ओडाकरे मनी प्लांट मेनाक्आ। इज दो ओना जेलते आड़ी हाहाडाज आइकाउ केदा जे ओनादो चेतानरे दो चेकाते पासनावेना। नोडका जेलोक् काना जे नोआ दो बाइ-बाइते भितरे देजोक् काना।”



सिम्ली दोय लाइकेदा मनी प्लांट रेदो जेलेज आर नान्हा गुदी ताहेना। ओना दो आच् तेदो बाड तेंगोना। जुदी ओनादो देजोक् लागित् चेत हों बाय जामा तोबे ओना दो ओत रेगे ताड़ाम काते गोटा फायलावोक्आ।

“कोंहडा हों ओनका गे नाँडीक् दारे काना। इजिज जेलाकात्आ ओना रेयाक् डार हों ओतरे फायलावोक्आ,” राज ए लाइकेदा।

देजोक्आक् आर नाँडीक्आक् दारेको रेयाक् गुदी दो नान्हा आर नाजुक गे ताहेना। जाहाँन दारे एटाक् दारे से जिनिस रेयाक् गोड़ो हातावकातेये हाराक्आ ओना दो देजोक्आक् दारे आर जाहाँन दारे नाँडीकाते ओत रेगे फायलावोक्आ ओना दो नाँडीक् दारेको मेतावाक्आ। जाहाँटाक् देजोक्आक् दारे मा आयाक् जोमाक् हों ओना दारे खोन गेय हातावा जाहाँन दारेरे उनीय देजोक्आ।

देजोक्आक् दारेको



मनी प्लांट



चमेली




जेलेज होतोत्

ओतरे नाँडीक् दारेको



तरबूज



कोंहडा

आमदाज लागावमे

- चेका नोआ दो ओतरे नाँडीकआक् दारे काना से एटाक् दारेरे देजोक्आक दारे?
- आमाक् पारसीते नोआ दो चेतको मेतावाक्आ?



स्नेक गार्ड



ओलमे

- मित्-बार एटाक् दारेरे देजोक् नाँडी आर ओतरे फायलावोक् नाँडी रेयाक् जुतुम ओलमे जाहाँको दो आमेम जेलाकात्आ आर ओना ओकारेम जेलाकात्आ ओना हों ओलमे। चेका नोआको पेज 53 रेयाक् चिताररे एमाकाना?
- आमाक् पारसीते ओना चेतकोको मेतावाक्आनोआको दारे रेयाक् जुतुम आमाक् पारसीते लाइमे। लाइमे जुदी ओनाको दारे काना, पोर काना, एटाक् दारेरे देजोक्आक् नाँडी काना से ओतरे फायलावोक् नाँडी काना।

कुंसबी बाहा
(बाण्ठी तेलुगूते)

नीम
(बेवुगिदा कन्नड़ते)

जुजुबे से बेर
(बोरोई मणिपुरीते)



कांमी-कांसनी

1

- आमाक् इस्कूल से ओना आडेपासेरे जाहाँन दारे से पोरठेन पोन होड़ाक् दोलरे चालावकाते तेंगोनमे।
- नित दो सानामसेन कोयोगमे, जाहाँ तिनाक् हबिच्एम जेलजाम दाड़ेयाक्आ। आमाक् जाँगाठेन जेल हों दिसायमे।
- आमदो तिनाक् लेकानाक् दारे, पोर, रान-मुरगान, घाँस, एटाक् दारे से जिनिसरे देजोक् नाँडी से ओतरे फायलावोक् नाँडीकोम जेल दाड़ेयाक्आ?

माचेतको लागित् बाडायजोडाक्

आमाक् आडेपासेरे जामोक् आयमालेकान दारेको आडेपासे रेको मेतावाक् जुतुमते लाइमे। गिदराको आसोलाक् दारेको उडुक्काते एटाक् दारेरे देजोक्आक् नाँडी आर ओतरे फायलावोक् नाँडी ताला रेयाक् तोफाद लाइयाकोमे। नोआ दिसा दोहोयमे जे जाहाँन दारे दो ओण्डेय जामेत्कान गोडो लेकाते चेतान सेन देजोक् लेकान बाडखान ओतरे फायलावोक् नाँडी लेकाय बेवहार दाड़ेयाक्आ।



क़ामी-क़ासनी

2

दारे साँव गातेक्मे!

मित्तेन दारे बाछावमे, ओनादो मित् मोटा गुदी रेयाक् पोर से माराड दारे होय दाड़ेयाक्आ, जाहाँय साँव आमदो गातेक् सानायेत् मेया। आमदो नोआ एसकार हों से आमरेन केलास गातेको साँवहोंम क़ामी दाड़ेयाक्आ।

आमाक् दारेरेयाक् जुतुम, नोडका दोहोयमे जेलेका आमदो जाहाँन आसुलको जानवाराक् जुतुमेम दोहोया। ओनारे दिनाम हिलोक् दाक् सियातकाते ओना जोतोनेम। साँवते ओना आमरेन गाते लेका रूखियायमे।







नित दो आमरेन दारे गाते धेयानते जेलेमे। नोण्डे मित्-बार जिनिस जेल लेगकाना- नोआ रेयाक् साकामको, बाहाको आर जोको। चेका ओनारे मित्-बार से आयमागान साकामको, बाहाको आर जोको बानुक्आ? ओना दारेरे होयाकान बोनोदोल नोआ खोन तायोमाक् पेजरे एमाकान तालिकारे रेकोर्डमे।

ओना दारे जेलरेयाक् तारिक आर ओकतो:

चाँदो:

जाहाँ माहाँ नोआकोम रेकोडेत् कान ताहेना उन हिलोक्आक् रितु:

आमरेन दारे गाते जाहाँतिनाक् धाव होय दाड़ेयाक्आ उनाक् धाव हिरीयेम आर धेयानते जेलकाते जोतोनेम।



दारे रेयाक् हाटिळ	आयमा, थोडागान से बाड	रोड	सेप (बोरनोनमे से चितार बेनावमे)	आरहों एटागाक् निगरानी
साकाम				
बाहा				
जो				



कामी-कसनी

3

- १ चेका आमदो दारेरे नावाँ साकाम सागेनोक्एम जेलेदा? चेका साकाम हारालेन खान ओना रेयाक् रोड बोदोलोक्आ?
- १ चेका मारेयाक् भूरा रोड रेयाक् साकाम ओतरे जुरहायेनगे?
- १ चेका आमदो दारेरे बाहा बाहाक् जोखान से जोक् जोखानेम जेलाकादा?
- १ आरहों एटागाक् जाहानाक्कोम जाँच-पोडताल आकात्आ?

आमाक् जाँच-पोडतालको नोट जारवायमे।



ओलमे

आमाक् नोटबुकरे आमाक् दारे बाबोतते ओलमे।


आयमालेकान दारे साकाम रेयाक् रोड, सेप आर साइज बेगार-बेगार ताहेंना।



हेसाक् साकाम



उल साकाम



उपल बाहा रेयाक् साकाम



खेजरी साकाम



क़ामी-क़ासनी

4

- आमाक् आडेपासे रेयाक् साकामको जौच-पौड़तालमे।
- आमाक् नोटबुकरे ओना रेयाक् चितार बेनावमे, रौडमे आर ओनारे जुतुम ओलाक्मे।
- केलासरे आमरेन गातेको सौव ओना रेयाक् रौड, सेप, मुठान-गोड़होन आर सौ रेयाक् बोरनोनमे।
- नोआ क़ामी-क़ासनी काते आबो दो साकाम बाबोत चेतबोन मेनदाड़ेयाक्आ?

“सानाम साकाम रेयाक् सौ बेगार-बेगार ताहेंना। इजिज जेलाकादा जे तुलसी, धनिया, करी साकाम, पुदीना आर लेमन ग्रास ओनाको सानामरेयाक् सौ अड़ी बेगारगे ताहेंना,” राज दो सिम्मीय लाइयाय काना।

सिम्मी दो राज ए कुलीयेकाना, “चेका आमदो उल साकाम घासावकाते ओनाम सौ लेगावाकात्आ? इज दो ओना सौ अड़ीज कुसीयाक्आ।”

राज दो आयाक् काथा सेलेत् तुलुच् ए मेनकेदा, “नोआ गालमाराव दो इज उल रेयाक् अड़ी मौज सौय दिसा ओचोयेदिजा! इजरेन कोड़ा बोयहा दो बाय जेजेला मेनखान उनी दो आडेपासे रेयाक् जाहौनाक् जो गे जेलेका-उल, अनानास, काण्ठाड़, अंजीर से सौ बेले सौकातेय बुजहाउ दाड़ेयाक्आ।”



क़ामी-क़ासनी

5


आमाक् मेंतरे पट्टी तोलमे आर आमरेन गाते दो बाइ-बाइते मित्टेन काते जो आमठेन आगुतेगेय ताहेंना। आमदो मेंत् ज़ापित्काते तिनाक् सौंगिज खोन जो रेयाक् सौयेम पाछनाव दाड़ेयाक्आ? नित दो गेत्आकात् जो सौव हौ नोआ ओराम दोहड़ायमे। चेका गेत्आकात् जो सौकाते पाछनाव आलगागे ताहेंकाना बेगौर गेत् आक् जो पाछनाव खोन? आमदो ओकाटाक् जो रेयाक् सौ सौंगिज खोनेम बुजहाउ दाड़ेयाक्आ? नोआ ओराम आमहौ ओड़ाक्रे लाड़चाड़ लेगायमे।



दारे रेयाक् हाटिजको

दारेको बाबोत चेद जोखेन आबो दो दारे रेयाक् आयमा हिसा जुतुमबोन बेवहार केदा, जेलेका- रेहेत्, गुदी, साकाम, बाहा, जो आर जाड। मा नित दो कुडचा दारे रेयाक् चितारबोन बेनावा आर ओना रेयाक् आयमालेकान हिसा धेयानते बोन जेला।

- दारे रेयाक् हिसा दो ओकाटाक्को काना?
- दारे रेयाक् सानाम हिसाको चिखनायमे आर ओना रेयाक् जुतुम ओलाक्मे।





कामी-कासनी

6

दारे रेयाक् छाल बाबोत बाडायमे

छाल दो दारे गुदी रेयाक् कटेच् बाहरे दापालाक् काना। जाहाँन दारे रेयाक् छाल जोटेत्काते धेयानते जेलमे। चेका नोआरे जाहाँन जानवार, तेजो से दारेकोम जेल बाड़ा वाकात्आ? कागोज रेयाक् मित्तेन पेज छालरे दोहोकाते छाबायमे। बाइ-बाइते ओनारे क्रेयोन बाङखान पेंसिल आयमाधाव आचुरमे। ओना जेलमे चेतलेकायेना!


कागोज तायोम सेच्चे आमाक् दारेरेयाक् जुतुम (से बिबोरोन) ओलमे। नित दो आमरेन गातेकोवाक् कागोज जारवाय ताकोमे आर जेलमे जे दारे छाल रेयाक् पैटर्न जेलकाते ओनाम आम्दाज दाड़ेयाक् काना से बाड।

- चेका आमदो दारेरे जाहाँन एटाक् जानवार, चेंडें से तेजोकोम जेलाकात् कोआ?
- ओनको दो चेतको चेकायेत् कान ताहेना?



चेका आमम बाडाय?

- चीनी दो ईख रेयाक् गुदीते बेनावोक् काना।
- मात् दो सानाम खोन उसुल घाँस काना।
- रेफ्लेशिया दो मिजोरमरे जामोक् सानाम खोन माराङ बाहा काना आर ओना दो चातोम बाराबारी माराङ ताहेना।



रेफ्लेशिया बाहा

क. गालमारावमे

1. जुदी दारेको बाड ताहेंनखान चेत् होयोक्आ?
2. दारे हारा-बुरूक् लागित् रेहेत् दो चेत्लेकाय गोडोक्आ?
3. गुदी रेयाक् चेत् कमी मेनाक्आ?

ख. ओलमे

1. ओना दारेको रेयाक् जुतुम लाइमे जाहाँको दो आमाक् इस्कूल, पार्क से ओडाक् आडेपासेकोरेम जेलाकात्आ। पाछनावमे ओनादो चेत्लेकान दारेकाना- माराड दारे, पोर, रान-मुरगान, घाँस, एटाक् दारेरे देजोक्आक् नाँडी से ओतरे फायलावोक् नाँडी।
2. दारे रेयाक् ओकाटाक् बिसेस हिसा आमदो दारे रेयाक् रोकोम पाछनाव लागित् ए गोडोवामा?
3. आमाक् कुसीयानाक् दारे पाछनावमे। ओनादो आमाक् कुसीयानाक् चेदाक् काना?

ग. चितार बेनावमे

आमाक् आडेपासेम जेलाकात् आयमा लेकान साकाम रेयाक् चितार बेनावमे।



घ. रंगोली बेनावमे

ओतरे जुंरहावाकान साकाम आर बाहा जारवायमे। ओना पैटर्नर दोहोकाते रंगोली बेनावमे। ओना जारवावाकात् साकामते आयमा लेकान जानवारकोवाक् मुठानहोम बेनाव दाड़ेयाक्आ।



उदगाउ: अरविन्द गुप्ता होतेते साकाम जू <http://arvindguptatoys.com>

